



Broj/Број: 03/1-50-1-9-16/08
Sarajevo/Сарајево, 20.2.2008.godine

Z A P I S N I K

16. sjednice Zajedničke komisije za odbranu i sigurnost BiH Parlamentarne skupštine BiH, održane 20.2.2008., u vremenu od 10,45 do 11,30 sati

Sjednici su prisustvovali članovi Zajedničke komisije: Brako Zrno, Šefik Džaferović, Jozo Križanović, Hazim Rančić, Dušanka Majkić, Mirko Okolić, Drago Kalabić, Adem Huskić, Vinko Zorić i Ivo Miro Jović.

Opravdano su odsustvovali Sulejman Tihić i Slobodan Šaraba.

Sjednici su prisustvovali i predstavnici Sekretarijata Parlamentarne skupštine BiH: Dragica Hinić, sekretar Zajedničke komisije za odbranu i sigurnost BiH, Željko Grubešić, savjetnik u Zajedničkoj komisiji za odbranu i sigurnost BiH, i Jovica Katić, stručni saradnik.

Sjednicom je predsjedavao Branko Zrno, predsjedavajući Zajedničke komisije za odbranu i sigurnost BiH.

Branko Zrno informirao je prisutne članove Zajedničke komisije da ih je pozvao na prijedlog Kolegija Predstavničkog doma Parlamentarne skupštine BiH, a radi potrebe za ponovnim održavanjem sjednice na kojoj bi se ponovno izjasnili o principima Prijedloga zakona o Direkciji za koordinaciju policijskih tijela i agencijama za podršku policijskoj strukturi BiH i Prijedloga zakona o nezavisnim i nadzornim tijelima policijske strukture BiH. Potom je zamolio prisutne članove Zajedničke komisije da se pojedinačno izjasne da li pristaju na navedeni prijedlog Kolegija Predstavničkog doma o održavanju ovakve sjednice, s obzirom na značaj navedenih zakona u procesu potpisivanja SSP-a.

Šefik Džaferović naglasio je da ne pristaje da se sjednica održi na ovaj način, jer je za njega ona završena, te stoga on neće činiti kvorum na eventualno novoj sjednici.

Vinko Zorić naveo je da nigdje ne piše da se sjednica ne može ponoviti, te da je praksa ponavljanja sjednica postojala i ranije u PSBiH. Zato će on biti „za“ ponovno održavanje sjednice.

Jozo Križanović rekao je da je već dan prije na sjednici Proširenog kolegija konstatirao da je usvajanje navedenih zakona na ovakav način ishitreno, te da zato neće glasati „za“ dati prijedlog.

Ivo Miro Jović podržao je održavanje ove sjednice, ističući da mu je želja da BiH ostane na evropskom putu.

Adem Huskić naveo je da su poslanici i delegati sada prvi put u prilici da odlučuju o putu BiH ka EU, te je zato saglasan s prijedlogom da se sjednica Komisije ponovi.

Hazim Rančić naveo je da je, prema poslovničkim odredbama, 15. sjednica završena, te da mišljenje Zajedničke komisije s protekle sjednice treba proslijediti domovima PSBiH. Upitao je sve članove Komisije ko garantira da se opet neće održati sjednica nekoliko puta u toku dana ako se sada pristane na njeno ponovno održavanje.

Mirko Okolić rekao je da je protiv predloženih zakona, ali da neće zaustavljati procese, te da će se izjasniti "za" održavanje sjednice.

Dušanka Majkić istakla je delikatnost trenutka u kojem se BiH nalazi i da će ona zato glasati „za“ održavanje sjednice.

Drago Kalabić istakao je da nema proceduralnih propusta i da ne postoji prepreka u tom smislu za održavanje nove sjednice sa istim dnevnim redom kao što je bio dnevni red 15. sjednice, održane tokom jutra .

Članovi Komisije potom su se, sa sedam glasova „za“ i tri glasa „protiv“, uz drugu potrebnu većinu, izjasnili za održavanje nove 16. sjednice.

Nakon izjašnjavanja, sjednicu su napustili Šefik Džaferović, Hazim Rančić i Jozo Križanović, tako da je u sali ostalo sedam članova Zajedničke komisije za odbranu i sigurnost.

Konstatirano je potom da 16. sjednica Zajedničke komisije za odbranu i sigurnost ima sljedeći

DNEVNI RED

1. Razmatranje Prijedloga zakona o Direkciji za koordinaciju policijskih tijela i agencijama za podršku policijskoj strukturi BiH - prva komisijska faza (predlagač: Vijeće ministara BiH);
2. Razmatranje Prijedloga zakona o nezavisnim i nadzornim tijelima policijske strukture BiH - prva komisijska faza (predlagač: Vijeće ministara BiH).

Kao i na prethodnoj sjednici, Branko Zrno predložio je da se Komisija istovremeno izjasni o oba prijedloga zakona, što su članovi Zajedničke komisije i podržali.

O prijedlozima zakona nije ponovo vođena rasprava, već se odmah pristupilo glasanju.

Odlučivanje o principima prijedloga zakona

Sa šest glasova „za“ i jednim glasom „protiv“, Zajednička komisija usvojila je principe Prijedloga zakona o Direkciji za koordinaciju policijskih tijela i agencijama za podršku policijskoj strukturi BiH i Prijedloga zakona o nezavisnim i nadzornim tijelima policijske strukture BiH.

Komisija je usvojila i zaključak da se u izvještaju navede ko je i iz kojih političkih stranaka glasao „za“, a ko „protiv“ ovih prijedloga zakona.

Zapisnik sačinila
Dragica Hinić

Predsjedavajući
Zajedničke komisije
Branko Zrno